

Firemon Pas Por ai Firemonimbo sürü papimarandı

¹ Firemon, sıhambo pas nda ro Por-anahı sürü paparıhandı sıhefi wandafı Timoti dıbo. Ro Sisas Kraısındı ratüpurı süngunambo karabusıyahe nımboamboanahı asu yıhoefı wandafı se ro-babıdı mamı ratüpurı ratüpurıyefı-rıhundeimb-anafı. ² Asu ro sıhefi rehı Afia-ane asu sıhefi wandafı Arkipas ai ro-babıdı ami nahurai Kraısındı ratüpurı ratüpurıyefı-rıhundeimb-ani asu Kraısındı nendı sıhafı worambe fandıhı-rıhundeimbı ranaheimbo amboanı pas nda sürü paparıhandı. ³ Ape God Adükarı Sisas Kraıdıbo ai sıheimbo moanı hıpoambofe hohoanımo asu ıgusüfo afurıfe kifeimbı hohoanımo ra mbısabınandür-amboane.

*Firemon ai Adükarımbo ıgusüfo parırühi
anıhondümbo-rırühani*

⁴⁻⁵ Se Adükarımbo ıgusüfo parıworühi anıhondümbo-rıworı arandı asu Godındı nendı ranaheimbo amboanı ıgusüfo parowandürı arandı hoafı ra hımborı-yahühanahı. Ranımboanahı munıguambo sı ro Godımbo dıdıbafıyahühi ra sıhambo hohoanımo-yahanınühi dükarıheanınühanahı asu ranımböhünda ro wandı God ranahambo dıdıbafıyahando arıhandı. ⁶ Se ro-babıdı anıhondümbofe-rambo anımbafı. Ranımboanahı asu ro Godımbo dıdıbafıyahando

arihandi sihafi anihondümbofe ranai
 randeandani aboedi sihafi hohoanimoambe
 tükümbifeyo sahehea. Sihar Krai-babidi
 animboefi asu raninambo ahandi-mayo
 munguambo aboedi moatükuni sihar
 masahumindefi ra se ndondo türüboadwand
 sahehea didibafiyahando arihandi. ⁷ Karhasi
 wandafi, se Godindi nendi ranaheimbo ngusüfo
 parowanduri arandi ranimboane asu aheimbo
 ngusüfoambe nginira-mindinduri arandi. Asu
 raninambo afindi hihifi-hihfiyahühi wandi
 ngusüfoambe afure akiaro.

*Firemon ai Onesimusimbo wandafimboriri
 mbiserümandu-wamboane*

⁸⁻⁹ Se mam moatükuni rambirowanda
 saheheamboanahi. Ro sihambo Kraiindi
 süngu randowandi randowandi-ndamboyah
 ra yhimbokoate-anahisi, nga ngusüfo pefe
 hohoanimo rani-süngu sihambo düduwehanini.
 Sapo ro Por boagiri-yamboanahi asu ro
 Kraiindi fondühi ahandi hoafi semindi hombo-
 hündamboanahi, nga haponda ro karabusi-
 yaheamboanahi. Nga asu ro sihambo ngusüfo
 pariheaninühi wamboanahi hiningrou safi
 ndarthe hoafiyahanini. ¹⁰ Ro sihambo ndarthe
 düduwehanini Onesimusimbo-hündambo.
 Aiana wandi nimori hond-ani Kraiindi sünguna.
 Ro karabusiyahe nimboambo Kraiimbo
 anihondümbofembo yamundimarhin-ani.
¹¹ Horombo ana ai moai mamimbo amboani
 sihambo aboedi farihenini rarani ratüpur
 ra, nga hapondan-ambe ana ai se-anafi asu

ro-anahi sihehimbo aboedi ninini ratupuri fandihemunumbui.

¹² Haponda ro ahambo sihambo sowana hihirihini koararhehini asu ai wandi ngusüfoahünd-ani. ¹³ Ro aboedi hoafi ra sahamindi hahabodihane ranihumbo wambo ndanihü karabusimarundra animboahi. Ranimboyahi asu ro Onesimusimbo ndanihü kikhindühümindihani asu ai sihafi fondi hümambo mbifarhendira sahehea hohoanimoayah. ¹⁴ Asu awi ro sihambo wambo farife-ndirimbo hütihütiyoninimbo ana moeisahi, nga moani wambo se randowandi mbisafan-animbo randiheamboyahi. Se sihafi hohoanimonambo refemboanahi randowandi asahi. Ranimbo ana, ro ngiri ninimoatükuni ninüngundiheandi, nga nda wambo se randowandi mbisafan-animbo randiheamboyahi. ¹⁵ Ai sihambo akidou hiningimareanini, nga awi refenas asukai se ndowarindifani ai se-dibo gedühi mbinünguwamboane. ¹⁶ Ai se-dibo moani ratupuriyurandeimbi-yupoani, nga ngusüfo pariworeimbi wandafimbipyuwamboane. Nga ra aboedi safane. Se yahurai ahambo ndowarindifi. Ro ahambo ngusüfo pararihini, nga sihambo ai moani ratupuriyurandeimbi asu Kriasindi süngu sihafi wandafi kapeih-ani. Rananimbo se ahambo afindi safi ngusüfo pandiwori.

¹⁷ Nga asu wambo se sihafi wandaf-anahi asafindiri ana, asu mare yahurai-safi ahambo amboani wandi wandafi mbisafindowohü hühindiwori. ¹⁸ Asu ai sihambo moaruwai hohoanimo-yuninühi sihafi-mayo bidifiri

moatükunî moanî asemündu ana, se süngunambo ranî-moatükunî ranahambo wandî ndürî pando mbunda hoafîndafîndîrî. ¹⁹ Ro Por wandî warînambo sîmborî saimbo moatükunî sürü parîhe asîheheandî. Ro-anîmbo sîhafî nîne-moatükunî ai ramareandî ranîmbo sîhambo hîhîrîndîhe ndahanînimboyahî. Nga se wandî sünguyafî anîhondümborowandeimbi tükümefoandî ranînambo se sîmborî wambo saimbo-aiyafî ranana sîhafî fi nîngo hohoanîmo rananesî, nga asu ro ngîrî ranahambo sîhambo wataporîmbondîhanîni. ²⁰ Nga wandafî, sîhîrî Adükari-babîdî anîmboehî ranîmboane asu se wambo hîhîfî-hîhîfîndafîndîrî. Sîhîrî yîbobo Kraisîndî nîdou-anehî, nga ranîmbo-hünda se wandî ngusüfoambe ndondo kündowandürühî Onesimusîmbo wandafî mbîsafîndowohü hühîndîworî. ²¹ Se wandî hoafî hîmborîndamboyafî sahehea anîhondümborîheanînühi pas nda sürü paparîhanîni. Ro haponda sîhambo ranî hohoanîmo ra randowandî sahehea düduweheanîni. Ranî hohoanîmo ra ngasündo hawa asu aboedî adükari hamîndî ranîpoanîmbo randowamboyafî sahehea fîfîrî-heamboanahî. ²² Awi ro sîhambo mamî hoafî ngorü hoafîndahanîni samboanahî. Asu se randowandühî wambo sîhafî worambe fondî nafîndîhao hînîngîndowandî. Nga ro fîfîrî-heamboanahî God ai sîhei dîdîbafîfe ra hîmborîndu haya asu wambo sîheimbo sowana koandîhendîrî yahumboani.

Hîhîfî hoafî bîdîfîrî

²³ Epafras ai ro-dîbo Sisas Kraisîndî hoafî süngunambo karabusîyaho ndanîhü anîmboehî

ai sihambo hihifaranini. ²⁴ Wandî Kraisindî
ratüpurîyefî-rîhundeimbi Mak, Aristakus, Dimas
asu Ruk ai-amboani sihambo hihifarünini.
²⁵ Adükari Sisas Kraisindî-mayo moani
hîpoambofe hohoanimo ranai sihei ngusüfoambe
mbîmarondür-amboane.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 11 Nov 2022 from source files dated 9 Oct 2020

c500d379-d0cf-5c22-9613-91d7bcc63af3